

PROVINCIA EMERITENSIS, SEU LUSITANIAE.

EMERITA Augusta Ptol. lib. 2. cap. 5. vulgò *Merida*. Ex ejus Episcopis *Liberius* subscripsit Concilio Eliberitano, *Mausona* vel *Massona* Toletano tertio, & *Fructuosus* Hispalensi primo.

ABULA Ptol. ibid. vulgò *Avila*. *Justinianus* Abulensis Episcopus subscripsit Decreto Regis Gundemari, & *Theodoigius* Concilio Toletano quarto.

SALMANTICA Ptol. ibid. vulgò *Salamanca*. Hujus civitatis Episcopus *Eleutherius* subscripsit Concilio Toletano tertio, & *Teveristis* Decreto Regis Gundemari.

ELBORA Notit. antiquis, quæ & Ebora Ptol. ibid. in Lusitania, vulgò *Evora*. *Quintianus* Elborensis subscripsit Concilio Eliberitano, & *Zosimus* Toletano sub Reccaredo.

CAURIA, Caurium Ptol. ibid. vulgò etiam *Coria*. *Laquintus* Cauriensis Episcopus subscripsit Concilio Toletano tertio, & *Elias* Decreto Gundemari Regis.

PAX JULIA Ptol. ibid. vulgò *Beja*, civitas à Pace Augusta diversa, quæ vulgò *Badajos*, & in qua sedem Episcopalem antiquitus fuisse non est quod conjiciamus. *Palmatius* Pacensis Episcopus subscripsit Concilio Toletano tertio, & *Modarius* Toletano quarto.

¹ OSSONABA Ptolem. ibid. vulgò *Estoy*. *Vincentius* ejus Antistes subscripsit Concilio Eliberitano, & *Petrus* Toletano tertio.

OLYSIPPO Plinio lib. 4. cap. 21. vulgò *Lisboa*. *Paulus* Olysiptonenfis Episcopus subscripsit Concilio Toletano tertio, & *Goma* Decreto Regis Gundemari.

EGITA, seu Igedita: eadem enim civitas est, ut ex Canone octavo & subscriptionibus Concilii Emeritensis discitur, nunc vicus obscurus *Eidania* dictus. *Adoricus* Egitanæ Ecclesiæ Episcopus subscripsit Concilio Bracarenfi secundo, & *Licerius* Toletano sub Gundemaro. Sed adverte, quadam in Notitia antiqua, Episcopatum hunc subjici Bracarenfi Episcopo, mendo- se ut arbitror, cum non longè sit ab Emerita.

PROVINCIA HISPALENSIS, SEU BÆTICA.

HISPALIS Metropolis Ptol. lib. 2. cap. 4. vulgò *Sevilla*. Ex ejus Episcopis *Leander* subscripsit Conciliis Toletano tertio, & Hispalensi primo.

ITALICA Ptolem. ibid. vulgò *Sevilla la Vieja*. *Eulalius* hujus Episcopus subscripsit Concilio Toletano tertio, & *Sintitius* Hispalensi primo.

² ILIPA Livio initio lib. 5. Decad. 4. nunc vulgò *Pena Flor*. *Basilus* Ilipensis Episcopus subscripsit Conciliis Toletano tertio, & Hispalensi I.

ASTYGIS Ptol. l. 2. c. 4. vulgò *Ecija*. *Fulgentius* hujus sedis Episcopus subscripsit Decreto Gundemari, & *Pegasus* Concilio Toletano quarto.

CORDUBA Ptol. ibid. vulgò *Cordoba*. Ex ejus Episcopis *Osius* subscripsit Conciliis Eliberitano, Nicæno & Sardicensi; nec non *Agapius* Toletano tertio, & Hispalensi primo.

Z 3

EGA-

NOTÆ LUÆ HOLSTENII.

¹ *Osonaba* Ptol. ibid. vulgò *Estoy* Estombar. Vinc. ejus Antist. subsc. Conc. Eliber. & Petr. Toler. III.] Ante hos Itacium commemorat Sulpitius Severus. Sed apud eum malè Sossubenfis pro Ossonabenfi legitur.

² *Ilipa*] ILIPLA sive ELIPLA, nunc vulgò Nie-

bla, sedes Episcopalis fuit, non Ilipa, ut falsò existimavit Morales, quem noster hic sequitur. Vide Roder. Crum lib. 3. antiquit. Hispalensi. cap. 83. eruditè de Eliplæ Episcopatu & Episcopis dissertentem.